



C5629

跋

柯庭先生博雅高才騷壇名夙卜築桐川著書論道翛然塵外世有林宗元亮之目比官京師簿書鞅掌非其志也近暫釋司城之任即策蹇西山縱遊浹旬足跡所至援筆成詩古錦囊中得如干首歸來傾以示余余朗吟數過如身隨履齒歷歷在目回憶十年舊遊不勝檻猿籠鶴之嘆矣至句之高古各體俱登前人之峰非舉一二可以此擬是卷當與西山蒼翠並峙輦下無疑也昔信王謂

西山絕遊詩跋

李長源朝披一品衣夜抱九仙骨其高懷逸致吾於先生亦云急宜授梓以誌佳遊辛巳八月廿三日同學弟曹白瑛拜書於苑西 賜邸

桐川汪柯庭先生嗜博覽縱橫縹緗家累數十萬卷而座上嘗滿名下客尊酒交歡塵譚相雄雖終晝無倦色蓋其英多磊落天賦之素所然也丙子秋余還禾下得所紀粵遊詩文先生欣然許可而爲弁之以序言庚辰春余遇之都下先生則握篆褰帷從者呵道而服司城之官余竊恠東山之旣

起恐都非曩昔風流耳辛巳夏先生輒以事謝去
而作西山遊於是有西山之詩若干首余受而卒
讀蓋天矯之雲龍可以言其健也陸離之淵珠可
以言其博也人中之僊骨珊珊乎殆不可以凡眼
窺其量也噫先生爲余作弁序余今序先生詩後
一往復耳計且六載吾人一生如許佳事果復能
幾回聚散如團沙年華類轉轂則又不禁其撫几
而起爲慨然也已繡水茅林士頓首跋

詩人餘事爰有倚聲才子言情遂多佳製雖繁縟
於宋實權輿於唐彼秦娥秦月之句肇自青蓮而
吳娃吳酒之歌原於白傅自茲以降代擅新聲矜
隻字之工鬪片言之捷金荃之集艷麗爲多浣花
之編綺靡獨擅至宋而蘇辛以豪邁稱秦柳以嫵
媚著張三影之雲破月來歌傳檀板王半山之夢
闌酒醒艷溢鎔毫然而作者雖工學之近率何如
以風雅爲骨以澹遠爲神若南宋諸公西崑媲美
矣今之巨手唯我司城以慧業文人爲菽林雄帥

古香樓詞藁

序

一

宋風謝月庠可竝其高華陸海潘江差足方其浩
瀚吟來秀句何殊楊柳迎風贈我佳篇如覩芙蓉
初日溢爲雋調尤在填詞當夫名花初放旨酒盈
樽分韻牒以示良朋擘蠻牋而貽知己君則字必
鏘金句如切玉驅石帚於毫端馳賓王於腕下爾
乃登山臨水平古思賢汎茗雪之煙波間維揚之
風月君則句近楚聲曲含羽調摩放翁之壘拍同
父之肩若夫臨岐贈別采葛懷人空傳六六之鱗
徒啓三三之徑詠停雲於何許望美人兮未來君

則纏綿意切繾綣情多同安國之清真類邦卿之
蘊藉至於紈扇題詞練裙揮翰華而實贍等美人
香草之寄情麗而不淫似天女散花之無着寧有
譏於秀鐵竟可付於紅兒凡此數端稍陳梗概使
讀是編者知本色之可貴非靡麗以爲工余也薈
薇盟手對此神清珠玉盈懷自慚形穢旣辱知己
之命聊當乘韋之先云爾橡林同硯弟張光曙題

詩與詞異派而同源詩言志詞多言情也詞取溫
和有餘韻南渡以還盡掃靡麗平熟之習堯章一
變其格嗣響承流如竹屋梅谿草窗諸子雅調清
音編珠緯貝俊人抑何多也故詞至南宋始工填
詞家多宗之司城柯庭汪先生獻敏天畀擷芳羣
籍以供其驅遣詩才超逸淵雋瑩無塵想見者無
不歎賞又以其暇爲長短句凡探幽攬勝撫景懷
人偶有所觸倚聲而成不矜奇而字新創情至者
文副故能電靈心舒妙腕寓軟玉柔金之巧於鏤
冰濯雪之中吳夢窗之雕績張玉田之超玄兼而
有焉國色希聲非剽竊摹擬者所能彷彿吟場酒
社間倘有柔奴美奴其人使之按節而歌宛轉纏
綿一唱三歎移人之情豈不甚深矣乎玉海瑤林
之目又將取以移贈矣麻湖同硯弟黃容題

古香樓詞藁

休陽汪 文柏 柯庭

埽花遊

項帽雪過小齋倚韻酬荅

新涼雨霽藹夏木陰穠樵歌聲杳阿誰繫權喜華
裾翠織過尋林沼見說雲峰是處嬉遊欲了隨幽
討幾幅蒲帆長受風飽 快聚驅俗惱况詞譜金
荃朗投新調提壺苦叫勸乘歡醉取一尊良好罨
畫明朝會泛煙波縈裊懷舒窈對清暉更聆深渺

金縷曲

秋日會義逸於桐谿追憶客歲訪予
一相與文酒之樂爲賦此解用原

古香樓詞藁

韻

把袂西風裏記年時籬黃尊綠與君同醉更泛蘭
舟煙渚遠剪斷蘆花如綺度一曲幽懷聊寄堪笑
浮名何所得羨丹青畫筆追前輩拂素練雲山起
清秋勝事還能繼幾相思吳峰越岫盍簪非易
漫憶玉堂良友在定念葦鱸滋味莫對景空吟而
已且聽楓江鳴鴈度向霜天吹笛高樓倚願會合
頻過此

月華清

閏中秋翫月同檠菴義逸犀月叔兄
賦

桂闕雲開冰蟾光吐人間三五還又翠減新梧啼
斷冷蛩苔甃念此夕千里同心對好景一尊攜手
歡否漸清輝滿座小亭如畫鴈度南樓夜久欲
喚起嫦娥勸斟盃酒醉舞花前惹得天香盈袖還
共與淺酌深吟且莫問遙鐘疎漏追舊悵紫簫聲
遠此情空負

疎影

次韻苔叢逸

雲屏對矗有清流映帶浣花幽築晚晚秋光未減
吟情詠徧翠巖丹麓相尋苔雲記短棹平波煙縠
正愁霖剛霽碧霄雲淨素蟾新浴長怪樽前美
景意中人自遠清賞難續抱瑟狂遊筠管苔箋還
譜淒涼詞曲中宵坐話聽雞舞能幾共西窗殘燭
待重陽拚醉籬邊雙髻滿簪黃菊

東風第一枝

春日招藍邨笛谷遠士雪坡犀
月同叔兄遊破石用史梅谿韻

鴨綠平橋猩紅夾岸波光樹色交暖禁煙時節纔
過春事二分非淺輕橈不點但穩坐半颿風軟望
陰陰柳畔粧樓盡捲畫簾招燕繫艇處晴峰照
眼撲蝶去遊絲吹面秋千綵索閒來鄰娃共尋曉

苑爭新裙襪費多少織鍼柔線儘夜歸分付清吟
影倦一燈誰見

惜紅衣

紅鸚鵡次和周雪客

香稻仍銜雕籠常護最親芳艷杏子輕衫何人試
偷剪粧臺曉日聽巧語朱簾低捲曾見多少相思
沁啼紅點點歌廊燭院彈舌閒調花陰更遲戀
繁枝柔軟莫蹴風鈴顛回首故巢何處蛩雨蠻煙
情遠奈宵寒孤夢影落碧天霞斷

摸魚子

壽賀遜丁五十次原韻

古香樓詞藁

三

喜文章聰明雪淨揮毫遙憶襟度蒲帆十幅烏青
近路入梧鄉非誤凡小據更醉後清狂對客聞吳
語燕巢鴈去正麥浪翻寒楊花拂雪握手幾朝暮
情無限也惜聞雞時舞知君廊廟才具金飛玉
走還西笑望見長安何處應莫負擬策射天入共
狎金閨侶紅塵如雨念畫舸東歸蹇驢西去早恐
易寒暑

又

更攜觴還澆壘塊朱顏玉貌曾幾元龍百尺樓頭

卧下視世間餘子休再計歎此日菰蘆身向愁邊
寄看君行已羨孝似曾參貧非原憲負米等閒事
隱淪好釣水畊山偶耳經綸不用長此功名五
十元非晚奚必浮沉閭里三徑裏聊點檢琴樽嘯
詠閒田地蠹魚蝕字怕天祿讐書承明視草載筆
且行矣

水調歌頭

壽幻師初度

濟上一燈在光映浙江潮飛來鷺嶺何處獅座雨
花飄猶聽沐公遺唱聊寄東林清曠一笑遠相招

古香樓詞藁

四

出世幾經臘四十是今朝 慈容近堪奉母結香
茅睦州尊宿重見說法對僧寮高蔭藥王祇樹徧
灑清涼甘露煩熱頓能銷竚望白雲際千仞碧峰
遙

邁陂塘

養疴仙壇喜魏子超介璜兄弟過訪

愛清谿一灣迴映城陰小院閒敞苔錢點翠秋花
冷簾額晚煙輕颺空谷響喜屐齒齒然勝侶能相
訪襟期疎朗看竹几繩牀是誰賓主一笑共欣賞
真堪羨郭外幽居清曠冥鴻高謝塵網揆天彩

筆君家事兄弟風流競爽明月上聽鶴唳晴空玉
笛聲嘹亮懷人遠望正茶沸松濤香浮雲篆霞際
結長想

夏初臨

嬾蝶黏花嬌鶯巢樹池荷嫩葉初圓午漏迢迢閒
窗日永如羊風輕半捲湘簾倦讐書香篆多添畫
屏幾曲茶煙一縷伴我幽眠 雲林堪隱茆屋旋
成凭來小檻乍引清泉歲華荏苒莫將好景空捐
喜對良朋寄新詞譜入冰絃晚涼天荒庭過雨滿

古香樓詞藁

五

地苔錢

又

紈扇看裁苧衫待剪一林梅子青黃乍捲筠簾試
雛燕舞茅堂簷牙殘絮飛揚庭陰轉日晷初長坐
銷閒暇餐餘石髓爇有松肪 盆山色翠香獸煙
清丹鉛欲遍卷帙盈牀分泉種樹好同幽客商量
正喜晴和縵車響軋軋連牆瞬時光榴花綻也又
近端陽

惜春容

朝來花信春禽覺，深院日長人寂寞。柳絲牽夢，
橋邊桐葉題詩，赤欄角。閒情何處能忘却？卯酒
剛醒，風恁惡。捲簾遙對峽峰青，兩點蛾眉爲誰着。
臨江仙 題臧喟亭侍御十五處中秋翫月圖
秋到蔚藍天似拭，况逢霽景平分。清暉到處可相
親。晚霞明玉鏡，涼露濕冰輪。試看千江同一印，
經過碧宇無痕。水晶宮裏住仙人。宦遊南北異踪，
蹟畫圖真。

燭影搖

紅蓀堂邀竹垞秋錦虹亭及余五人
設日集爛溪草堂余以慈幃誕辰

古香樓詞藁

六

才賦此致謝

飲社詞場，主持煙月，人能幾摩挲。金石考奇，文雅
事君多矣。有約何辭，百里恰萱幃，生辰燕喜寧雞
治饌負米承歡，這情難已。簾閣清閑，早梅枝動
春風起。品琴看劍，足留賓，何必頻扶醉。此際分題
並几到詩成，訝余因底待冰融。後卸了燈時，再隨
芳履。

滿庭芳

登平山堂

迴合山岡，參差竹樹，憑闌佳景全收。高賢結構壯

麗甲他州堂外垂楊手植金縷輕柔今何在空教
指點六一舊風流 三庚停皂蓋藕花折取紅袖
行籌漸歸來酩酊弄月乘舟我欲摩挲短碣空漫
漉難覓銀鈎低徊久夕陽西下漁唱起邗溝

鳳簫曲

觀音閣尋迷樓故址

憶當年隋家天子行樂縱豪華蕪城方淑景牙檣
錦纜欲遍天涯宮闈饒粉黛更嬌憨輦畔司花俄
築起迷樓金碧遙望如霞 休誇曲房邃宇仙島
靡加霎時成瓦礫臨春結綺後一樣興嗟荒榛埋
故址聽琳宮法鼓頻過祇剩取香燈禪板古樹昏
鴉

古香樓詞藁

七

水龍吟

虎丘

春來何處繁華闔閭城外山塘路画舫載酒笙歌
沸野遊人如鷺草展裙拖柳顰眉黛近真孃墓笑
吳儂好事結伴嬉遊醉眼欲忘朝暮 我愛秋深
景淡正登山松梢月吐生公去後可中亭石依然
不語短薄祠邊劍泉瑩徹冷煙濃霧憶歸時浪靜
舵樓敲枕寺鐘敲曙

一枝春

西溪探梅

画槩尋芳趁東風又過西溪煙渚生香樹樹掩映
邨莊無路輕陰宿靄做花信幾番空誤板橋畔疎
影臨波不怕雪欺冰妬恍疑置身瑤圃正林間
月淡美人來處妝晴媚曉如語共傳心素留春未
住恐成了白雲飛去還只恨譜入橫吹一江冷雨

法曲獻仙音

韶光卷

曲磴千盤流泉百疊屐底漸登高頂海日藏雲江
潮夾霧做陰做晴難定訪仙竈花深處有凝露如
汞小池冷剩金蓮幾枝開落渾不數西湖鬧紅
臨鏡入座亂峰青似翠鬟黛眉爭競老袖娑娑尚
能誦香山留贈更殷勤軟語問我頻來應肯

瀟湘夜雨

煙雨樓

穀浪涵空菱花映日古樓搖蕩波心趁閒停槳攜
侶再登臨屈指春來秋去煙和雨幾度侵尋依稀
認紅衣翠鬢猶似舊沙禽宜人惟月霽移燈渡
口換酒城陰聽櫂歌漁笛遙帶疎砧盡捲朱簾面
面風濤動殿閣浮沉休辜負良宵勝地倚調續清

吟

水龍吟

贈張權六

風流漫數當年襟期洒落如君少樽前慢引花間
促拍都成絕調玉局雄才弁陽高致誰堪追紹仗
天生俊傑每將彩筆吟泉石抒懷抱謾哂寒瓊
署小有花畦藥欄深窈茱萸半吐芙蓉未謝重尋
舊好翠幙香凝蕭齋燭暈幾番歡笑任譙樓漏數
風催雁度月沈天曉

霜天曉角

木瓜

古香樓詞藁

九

嫩金一捻投我香清冽縱得瓊琚爲佩也難報箇
人折雅絕青麈列這情休與說夜悄衾寒恐有
筋攣患爲郎設

齊天樂

白雀寺

曉雲不碍登山興攜手翠微深處古岸橋平芳堤
塵軟夾道長松千樹亭邊意緒聽天籟蕭疎恍驚
風雨似欲留人幾回翹首行還住凌空纔過梵
宇遶迴廊仄徑禪院花嶼脆管音清焦桐調古溜
澗泉飛萬縷徘徊不語更嬾問層巒碧流杉影擬

仿高風泛杯傾綠醕

小重山

望湖亭

樹杪山巔露小亭
捫蘿攜勝侶
愜幽情
坐來縹緲
遠山青青
山外水勢失滄溟
天曠去雲輕
漾曦光一線
與波平
倚欄凝睇
漸分明
人如豆
舟似葉
兒橫

風入松

峴山明霞墓

城南勝地頗關情
沙脚繫舟輕
清泉一掬
澄深穴
巉巖路屐底稜稜
試問斷碑何處
依然斜照
荒亭
零
骨閒憑
吊悄地
愁生爲惜
幽花正豔
漫遭風雨飄

古香樓詞藁

十

虞美人

窪樽

一坡樹色藏孤峭
凹處樽形妙
名流轟飲事猶傳
列坐雲根俯首吸青天
去年病久停杯
筭紅友
情疎也
何時重得酒腸寬
滿載鴟夸約伴
共追歡

探芳信

逸老堂晚眺

悶懷遣向小阜尋春
山堂把餞見遊人
散去長空

暮雲捲柳絲漸黑花容暝夕照遙峰淡笑歸忙繞
樹啼鴉穿簾飛燕 陳迹更何限有太守風騷名
流芳豔碧浪湖邊詩酒每留戀憑欄此際蒼茫意
四野寒煙亂最關情月到沙洲一片

漢宮春

登道場山翠微閣訪孫太初桂瓢處

拂篠梯雲仗芒屨濟勝重蹋禪關懸崖燦然傑構
暎碧流丹徐臨俯眺繞羣峰欲斷還連春景麗浮
嵐暖翠鳥藏芳樹聲娟 花木閒窗尤悄矗浮屠
天半倒影澄泉指點挂瓢舊處仙骨埋煙山人往
矣問疇能再返驂鸞茶話後來尋峭壁題詩千尺
松顛

又 菰香山梨花

笠澤湖頭繞層巖邃壑煙色蒼涼平林忽疑積雪
猶帶波光珠宮素質曳鮫綃試舞霓裳風過處霏
霏瓊屑一時盡入詩囊 當日苧蘿仙子把芙蓉
百疊分菰羣芳千載令人想像剩粉殘香山邨遠
眺似輕雲淡月昏黃春閨燕雙雙玉剪只愁去影
微茫

木蘭花慢

画溪泛月

望長谿如練情每愛泛輕舸向中筇探泉前汀問
寺幾度停橈黃昏近邀月姊聽歌童臨水按瓊簫
兩岬俄驚樓鳥空潭欲起潛蛟 西風籐樹葉初
凋雁唳落青霄漸碧漲成花金波蕩彩渺渺滔滔
誰聞水妃一曲數峰青江上意蕭條欲訪詩翁舊
宅禪扉帶月堪敲

曲終人不見江上數峰青二語
錢仲文于此得之今清果寺其

故居也

風入松

合溪吳季子廟題壁

古香樓詞藁

三

飄然脫屣去矣拜歷國恣徜徉名卿相見如膠漆
聽詩歌不爽毫芒公子清芬百世高風遠邁侯王
當年採藥並流芳吳俗化淳良雲孫又起追芳
躅抽身早寧管興亡欲薦溪邊蘋藻更將歌侑椒
漿

一剪梅

送潘稼堂遊衡山

羨爾高名並斗山詩擬香山學比瓊山幾曾捷徑
效南山雲乍離山鳥便還山 一緬芒屨蹋萬山
纔上黃山又陟廬山時從嶽麓訪衡山晴看春山

雨看秋山

乳燕飛 次韻答拔藻弟

雅擅驚人技算年華纔當終費富於清製鏖戰文
場稱猛將高古能兼華綺駢體有惠連道麗慢調
么聲俱豔絕羨風流題盡叅軍紙應不愧奇男子
鄉關頻見琳瑯寄每徘徊睦州江畔石英峰底
聞說片帆將過我迢遞重山疊水奈目斷秋江煙
裏夢遶池塘人未到問何時萍聚行踪邇空數載
心千里

古香樓詞藁

蹋莎行 並沙圍贈綠天上人

雁齒紅橋鴨頭綠水園林日午門慵啓此中晏坐
有高流我來欲究無生旨 靜展壇經閒揮麈尾
爐香椀茗羅髻几書成鐵限已頻穿蕉陰猶自盈
堦祀

憶江南 和圭蒼且止亭賞桂五首

涼颺送緩步近微馨嫩粟雲黃詩意切叢枝油碧
醉眸醒秋思在空亭

又

繁英綻風送四鄰馨鼻觀得聞無隱處通身汗下
豁然醒勝坐可中亭

又

秋柯老把酒餞殘馨幻色未離香國遠迷情難換
蜨魂醒涼月上池亭

又

冰輪滿花雨一庭馨蛾黛有情歌入破柳腰無力
睡初醒人倚小紅亭

又

古香樓詞彙

十四

露華重衣袂帶餘馨竹素滿牀經歲臥香醪十斛
幾回醒來訪子雲亭

茶瓶兒

冬夜贈黃圭菴

密室圍爐冬夜與良朋素心傾寫煮茶煨芋年年
事誰似我竹窗茅舍君詩就凌陶謝擅才名無

雙江夏菰城若水曾遊冶待共續湖南吟社

劉坦翁孫

太初輩於茗上
結湖南吟社

又贈沈蓉江

卜築月波樓畔繫漁舟柳陰蓉岸屠龍妙手終何

用輸與爾把杯揮翰 喜殘歲同呵硯寫烏絲新
詞盈卷南窗醉醒斜暉暖又隔院早梅香遠

又 贈姚玉符

夢繞新安江上恰三年輕舟纔放挑燈軟語還如
昨喜物外故交無恙 書千卷堪欣賞最難忘寒
窗茶浪孤山疎影鏡清况好付與春波煙舫

虞美人

題二兄新築

臨流舊墅添新築搖幌波光綠小廊曲室篆煙凝
坐到一壺明月浸寒冰 雜孫穉子書聲近最可

古香樓詞彙

五

消愁悶苔侵拳石活如雲花影玲瓏雙蝶弄斜曛
三姝媚 待曉廬不至

南榮新旭暖正几淨窗明冰花初泮閣帖來禽共
水坑蕉葉待誰揮翰久繫扁舟想臥穩梅邊孤館
奈我離羣一榻空懸幾回銷黯 追憶梧陰飛棧
向露冷荷欹歌殘雲斷別去東西又蘋洲相隔柳
洲又遠昨得雙魚道此際抱琴重見猶恁含疑側
聽竹籬吠犬

玉漏遲 題西蘭

湘江春雨暮幽香萬斛綠雲千步淺碧紋波誰畫
鏡籀眉懶洗淨宮闈粉黛換林下淡粧無妬風過
處悠揚翠帶低回困舞 一種逸致清芬倩墨瀟
傳神筆花爭吐遺老心情今日尚留箋素寫盡騷
人怨恨可憐甚被讒難訴須記取枝枝慕晴啼露

芳草渡

寄贈雪坡

虞山樹尚湖煙花初放月初圓棗如瓜大藕如船
天付汝斟綠酒聽朱絃 画堪賣詩可傳也足成
名博利筆爲塚硯爲田故人遠書相寄意相憐

古香樓詞彙

六

漁家傲

悼李辰山

峰泖才人棲旅館參苓壽世渾無算晚戴黃冠名
利淡猶餘憾童烏早逝堪興歎 笛響山陽驚露
電薰爐茗椀空留案身後文章誰校勘嗟零亂圖
書千卷歸王粲

滿江紅

郭璞墓

晉代衣冠誰得似仙姿夙具更能取一編爾雅蟲
魚箋註浩浩長江作賦手飄飄逸韻遊仙句笑夢
中索錦向文通空懷怒 已難即丹谿路止留剩

青囊數數術幾神矣何難逃禍七尺猶傳碑上字
一杯無恙江心墓問唐陵宋寢竟如何藏狐兔

漢宮春

題三老圖繪東齊居士魏東老南邨丈人曹念劬北郭先生魏穀山也

放艇清秋向梅花舊里壁上窺圖松間正襟相對
眉宇蕭疎于思誰氏卸黃冠野服魁梧曾記得東
齋詩老風流豪興尤殊北郭南邨狷者類屏居

山澤貌古形癯嗜好酸鹹異俗漫浪無拘不須服
食儘從容詩酒歡娛還問取夕陽吟社就中添箇

僧無

指綠天上人

古香樓詞彙

十一

採桑子

文曉廬韻送圭菴荅江歸里

幾番谿館歡娛夜主勸賓酬花氣如流剔盡蘭缸
肯睡否無端爆竹催殘歲兩處歸舟一樣離愁
夢繞吳山又越州

又

前題再疊前韻

今宵共醉茅簷月倚調賡酬凍合溪流欲阻歸期
肯住否明年再折津亭柳酒泛銀舟詩寫春愁
送我花驄上冀州

又

遣懷三疊前韻

可憐壯歲因循過雞唱鐘酬月落川流白髮蕭蕭
再變否 閑窗一枕遊仙夢太乙蓮舟天上無愁
幾點青煙是九州

又前題 四疊前韻

吟風弄月同仙侶遍唱更酬筆走詞流竹屋梅谿
近似否 孤雲野鶴頻來去身是虛舟心少閑愁
萬水千山老趙州

又 酬曉廬五疊前韻

新詞美似江瑤柱何以爲酬玉瓚黃流試問酸鹹

古香樓詞葉

已辨否 生平嗜好無多物琴鶴同舟書畫銷愁

雙硯端溪與歙州

又 題畱春圃感舊詩六疊前韻

當年亭榭畱春住燕語鶯酬花影臨流多少閑情
記得否 而今剩有淒涼句屋小如舟其深愁
另換歌頭唱六州

